

ANEXO X

The diagram shows a banner layout with the following elements and specifications:

- Top Left:** Logo of Xunta de Galicia (Azul Xunta, Pantone process Cyan C) and text: XUNTA DE GALICIA, CONSELLERÍA DO MEDIO RURAL, Dirección Xeral de Montes e Industrias Forestais.
- Top Center:** Logo of 'medio rural' (Fondo branco).
- Top Right:** Logo of Unión Europea FEADER (Fondo azul CEE, Pantone 300) and text: UNIÓN EUROPEA FEADER.
- Text Area:**

Nº. EXPEDIENTE: XXXXXXXXXX / XXXX
 BENEFICIARIO: XXXXXXXXXXXXXXXXXXXXXXXXXXXXXXXXXXXXXXXX
 ORZAMENTO APROBADO: € MÁIS IVE.
 TRABALLOS QUE SE VAN EXECUTAR:

PRAZO DE EXECUCIÓN DOS TRABALLOS ATA O DÍA XX DE XXXXXXXX DE XXXXX

PROXECTO CO - FINANCIADO POLA UNIÓN EUROPEA
- Bottom Left:** 'Negro (Pantone process black)' and 'Fondo branco' labels pointing to the text area background.
- Bottom Right:** 'Azul CEE (Pantone 300)' label pointing to the text area background.
- Far Right:** 'Amarelo (Pantone 123) (estrelas)' label pointing to the stars in the European Union logo.

Nota: o logotipo da empresa executora pódese incluír.

Dimensións:

Altura 0,8 metros, anchura 1,5 metros.

Altura desde o bordo inferior ao chan 1,5 metros.

Orde do 4 de febreiro de 2008 pola que se modifican as bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, e se convocan para o exercicio orzamentario de 2008.

A Consellería do Medio Rural publicou, con data do 15 de maio de 2007, a Orde do 10 de maio de 2007 pola que se establecen as bases reguladoras das axudas a agrupacións de produtores para a realización de actividades de información e promoción de produtos agroalimentarios galegos de calidade diferenciada, no marco do Programa de desenvolvemento rural para Galicia 2007-2013. De acordo coas ditas bases, anualmente deben ser convocadas estas axudas, polo que procede realizar a convocatoria correspondente ao ano 2008.

Por outra parte, a entrada en vigor da Lei 9/2007, do 13 de xuño, de subvencións de Galicia, publicada no DOG o 25 de xuño pasado, obriga a facer algunha modificación puntual nas ditas bases reguladoras.

Ademais, tamén é necesario modificar as ditas bases para adaptar o seu contido ao do texto definitivo do documento de programación (Programa de desenvolvemento rural de Galicia 2007-2013) que

sufriu algúns cambios durante a súa tramitación no relativo aos programas de calidade diferenciada que se poden acoller a estas axudas.

En consecuencia, de acordo co disposto no artigo 30.L.3º do Estatuto de autonomía de Galicia, e no uso das facultades que me confire a Lei 9/2007, do 13 de xuño, de subvencións de Galicia,

DISPOÑO:

Artigo 1º.-Obxecto.

O obxecto desta orde é a modificación das bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, aprobadas mediante a Orde do 10 de maio de 2007 (DOG nº 93, do 15 de maio), e proceder á súa convocatoria, en réxime de concorrencia competitiva, para o exercicio orzamentario de 2008.

SECCIÓN PRIMEIRA

Modificación das bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada,

no marco do Programa de desenvolvemento rural para Galicia 2007-2013.

Artigo 2º.-Modificación das bases reguladoras.

Introdúcense as seguintes modificacións nas bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, aprobadas mediante a Orde do 10 de maio de 2007 (DOG nº 93, do 15 de maio):

Primeira.-Modificación da letra b) do artigo 2.

A letra b) do artigo 2º (definicións) queda redactada como segue:

«b) As seguintes figuras de calidade diferenciada dos alimentos previstas na Lei 2/2005, do 18 de febreiro, de promoción e defensa da calidade alimentaria galega e na Lei 24/2003, da viña e do viño:

-Bebidas espirituosas con denominación xeográfica.

-Viños da terra».

Segunda.-Modificación da letra c) da alínea 1 do artigo 5º.

A letra c) da alínea 1 do artigo 5º (Gastos subvencionables e contía das axudas) queda redactado do seguinte xeito:

«c) Estudos e outras accións de divulgación entre os consumidores.

Serán subvencionables os estudos de mercado relacionados directamente con campañas de promoción e os de avaliación do impacto destas sobre os consumidores e sobre a comercialización dos produtos incluídos en programas de calidade diferenciada dos alimentos.

Poderase subvencionar tamén a organización de xornadas técnicas, seminarios e congresos que teñan por obxectivo a divulgación de coñecementos científicos e técnicos sobre eses produtos entre os consumidores».

Terceira.-Modificación do artigo 11º.

O artigo 11º queda redactado como segue:

«Artigo 11º.-*Incumprimento, reintegro e réxime de infraccións.*

1. Se o beneficiario da axuda cumpre as condicións establecidas na resolución de concesión, executando e xustificando todos os conceptos dos gastos aprobados nos prazos establecidos, e cumprindo co resto dos requisitos da resolución de concesión, procederá a aboarse a totalidade da subvención concedida. No caso contrario existirá un incumprimento, no que se aplicarán os seguintes criterios:

-Cando o beneficiario non realice e xustifique nos prazos establecidos ningunha das actuacións obxecto da axuda existirá un incumprimento total e non se pagará ningunha axuda, debendo ademais reintegrar, se é o caso, as contías percibidas anticipadamente.

-Cando o beneficiario realice parcialmente e xustifique nos prazos establecidos as actuacións obxecto da axuda, aboarse a subvención proporcional correspondente sempre que estea relacionada con actuacións finalizadas e se cumpran o resto das condicións establecidas.

2. En calquera caso, procederá o reintegro total ou parcial das axudas concedidas ao abeiro desta orde, e dos xuros de demora acumulados desde o momento do seu pagamento, no suposto de incumprimento das condicións establecidas para a súa concesión e, en xeral, nos casos establecidos no artigo 33 da Lei 9/2007, do 13 de xuño, de subvencións de Galicia.

3. Sen prexuízo do establecido no parágrafo anterior, aos beneficiarios das axudas reguladas nesta orde seralles de aplicación o réxime de infraccións e sancións previsto no título IV da Lei 9/2007, do 13 de xuño, de subvencións de Galicia».

Cuarta.-Modificación da disposición adicional segunda.

A disposición adicional segunda queda redactada do seguinte xeito:

«Disposición adicional segunda.-Réxime xurídico.

En todas aquelas cuestións non previstas na presente orde haberá que atermos ao disposto Lei 9/2007, do 13 de xuño, de subvencións de Galicia e no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, en todo aquilo que non se opoña á citada lei».

SECCIÓN SEGUNDA
CONVOCATORIA 2008

Artigo 3º.-Convocatoria das axudas.

Convócanse para o exercicio orzamentario 2008, en réxime de concorrencia competitiva, as axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, sendo as súas bases reguladoras as contidas na Orde do 10 de maio de 2007, coas modificacións recollidas na sección primeira desta orde.

Estas axudas teñen por finalidade o financiamento de actuacións dirixidas aos consumidores relativas á promoción, á asistencia e organización de feiras e exposicións e á realización de estudos e outras actividades de divulgación, que sexan executadas por consellos reguladores e asociacións sen ánimo de lucro de ámbito galego que participen nalgún programa de calidade diferenciada.

Artigo 4º.-Solicitudes e procedemento de xestión.

As solicitudes, documentación, condicións e procedemento de xestión das axudas serán as recollidas na Orde do 10 de maio de 2007 (DOG nº 93, do 15 de maio) pola que se estableceron as bases reguladoras destas axudas, coas modificacións introducidas na sección primeira desta orde. Como anexos inclúense o modelo de solici-

tude (anexo I) e a documentación complementaria que se deberá presentar acompañándoa (anexo II).

Artigo 5º.-*Prazo de presentación de solicitudes.*

O prazo de presentación de solicitudes para esta convocatoria rematará o día 14 de marzo de 2008.

Artigo 6º.-*Financiamento das axudas.*

As axudas concedidas financiaranse con cargo aos orzamentos da Consellería do Medio Rural para o ano 2008, na aplicación orzamentaria 11.03.713D.7810, cunha dotación de 1.580.000 €. Este importe poderase incrementar con remanentes adicionais de acordo coas dispoñibilidades de crédito. En todo caso as concesións limitaranse ás dispoñibilidades orzamentarias.

Disposición derradeira

Primeira.-*Disposición de desenvolvemento.*

Facúltase o director xeral de Produción, Industrias e Calidade Agroalimentaria para ditar as disposicións que sexan necesarias para a aplicación desta orde.

Segunda.-*Entrada en vigor.*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 4 de febreiro de 2008.

Alfredo Suárez Canal
Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO I

FEADER



PROCEDEMENTO AXUDAS A AGRUPACIÓN DE PRODUTORES PARA ACTIVIDADES DE INFORMACIÓN E PROMOCIÓN DE PRODUTOS AGROALIMENTARIOS GALEGOS CON CALIDADE DIFERENCIADA	CÓDIGO DO PROCEDEMENTO MR302A	DOCUMENTO SOLICITUDE
---------------------------------------------------------------------------------------------------------------------------------------------------------------------	-----------------------------------------	--------------------------------

DATOS DO/DA SOLICITANTE

DENOMINACIÓN DA ENTIDADE		CIF/NIF	
ENDEREZO		PROVINCIA	
CONCELLO	LOCALIDADE	CÓDIGO POSTAL	TELÉFONO
FAX	REPRESENTADO POR	TELÉFONO	

ACTIVIDADE OBXECTO DE INVESTIMENTO (Marcar só unha actividade en cada solicitude)

A) PROMOCIÓN.

B) FEIRAS E CERTAMES COMERCIAIS:

ORGANIZACIÓN.

ASISTENCIA.

C) ESTUDOS, XORNADAS TÉCNICAS, SEMINARIOS E CONGRESOS.

EXPÓN:

Que autoriza a Consellería do Medio Rural, para incluír e facer público, nos rexistros de axudas, subvencións e convenios e de sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a Consellería do Medio Rural para o tratamento necesario dos seus datos, para os efectos de lle dar cumprimento ao previsto no artigo 13.4º da Lei 4/2006, do 30 de xuño, de transparencia e de boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas.

LEXISLACIÓN APLICABLE

Orde do 10 de maio de 2007 pola que se establecen as bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, e se convocan para o ano 2007.

Orde do 4 de febreiro de 2008 pola que se modifican as bases reguladoras das axudas a agrupacións de produtores para a realización de actividades de información e promoción de produtos agroalimentarios galegos con calidade diferenciada, no marco do Programa de desenvolvemento rural para Galicia 2007-2013, e se convocan para o exercicio orzamentario de 2008.

SINATURA DO/DA SOLICITANTE OU REPRESENTANTE

Lugar e data

, de de 200

(Para cubrir pola Administración)

RECIBIDO	NÚMERO DE EXPEDIENTE
REVISADO E CONFORME	DATA DE ENTRADA
	DATA DE EFECTOS
	DATA DE SAÍDA

ANEXO II

**DOCUMENTACIÓN COMPLEMENTARIA
(UN ANEXO POR CADA UNHA DAS SOLICITUDES)**

- PROMOCIÓN.
- FEIRAS E CERTAMES COMERCIAIS:
- ESTUDOS, XORNADAS TÉCNICAS, SEMINARIOS E CONGRESOS.

1.-MEMORIA EXPLICATIVA DO OBEXECTO DO INVESTIMENTO.

1.1.-DESCRIPCIÓN DETALLADA DAS ACTUACIÓNS QUE SE VAN DESENVOLVER .

DESCRIPCIÓN DE CADA UNHA DAS ACTIVIDADES PREVISTAS QUE VAI REALIZAR O SOLICITANTE SEN INCLUÍR O ORZAMENTO. DETALLARANSE E DESCRIBIRANSE AO MÁXIMO TODAS E CADA UNHA DAS ACTIVIDADES.

1.2.-AVALIACIÓN ECONÓMICA DAS SÚAS VANTAXES.

1.3.-RELACIÓN DE EFECTIVOS HUMANOS E MEDIOS MATERIAIS DE QUE SE DISPÓN.

1.4.-PLAN CRONOLÓXICO DOS TRABALLOS.

2.-ORZAMENTO PORMENORIZADO DOS GASTOS PREVISTOS.3.-DECLARACIÓN XURADA.

Don/Dona , con DNI nº

como representante de , CIF/NIF

e enderezo

DECLARA BAIXO XURAMENTO:

Que en relación coa orde da Consellería do Medio Rural de _____ sobre axudas a agrupacións de produtores para a realización de actividades de información e promoción de produtos galegos con calidade diferenciada, solicitou (en caso de estar concedida, indicalo) para os investimentos obxecto deste expediente de subvención, axudas a través de:

 Ningunha outra axuda.

E, para que conste, para os efectos oportunos, asina esta solicitude

, de de 200

Asdo.: 4.-OUTRA DOCUMENTACIÓN

Xunto a esta solicitude copia cotexada de:

4.1-CÓDIGO DE IDENTIFICACIÓN FISCAL (CIF).

4.2-ESTATUTOS, NO CASO DE ENTIDADES ASOCIATIVAS.

Resolución do 30 de xaneiro de 2008, da Secretaría Xeral da Consellería do Medio Rural, pola que se lles dá publicidade aos convenios subscritos por esta consellería no último cuadrimestre do ano 2007.

O artigo 11 da Lei 4/2006, do 30 de xuño, de transparencia e boas prácticas na Administración pública galega (DOG nº 136, do 14 de xuño) impón a cada consellería da Xunta de Galicia a obriga de publicar no *Diario Oficial de Galicia* unha relación dos convenios de colaboración subscritos no cuadrimestre anterior.

En consecuencia, e para lle dar cumprimento a esa obriga,

DISPOÑO:

Artigo único.-Darlle publicidade á relación dos convenios subscritos pola Consellería do Medio Rural nos meses de setembro, outubro, novembro e decembro do ano 2007, que se incorpora como anexo a esta resolución.

Santiago de Compostela, 30 de xaneiro de 2008.

Alberte Souto Souto
Secretario xeral da Consellería do Medio Rural